



SLUŽBENE NOVINE

KANTONA SARAJEVO

Godina XXIX - Broj 18

Četvrtak, 9. 5. 2024. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 9. Zakona o raseljenim osobama - prognanicima i izbjeglicama - povratnicima u Kantonu Sarajevo ("Službene novine Kantona Sarajevo", broj 27/05 - Prečišćeni tekst), Vlada Kantona Sarajevo, na 22. sjednici održanoj 25.04.2024. godine, donijela je

UREDBU

O DOPUNAMA UREDBE O NAČINU OSTVARIVANJA POMOĆI ZA ODRŽIVI POVRATAK

Član 1.

(Dopune člana 4.)

U Uredbi o načinu ostvarivanja pomoći za održivi povratak ("Službene novine Kantona Sarajevo", broj 3/14, 30/17 i 43/19) u članu 4. iza stava (2) dodaju se novi st. (3) i (4) koji glase:

- (3) Zahtjev iz st. (1) i (2) ovog člana podnosi se na osnovu Javnog poziva za dodjelu sredstava za održivi povratak koji raspisuje Ministarstvo.
- (4) Javni poziv iz stava (3) ovog člana, objavljuje se u "Službenim novinama Federacije BiH", te u najmanje jednim dnevnim novinama sa velikim tiražom na području Bosne i Hercegovine i na web stranici Ministarstva."

Član 2.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-25530-22/24
25. aprila 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 20. Zakona o srednjem obrazovanju ("Službene novine Kantona

Sarajevo", broj 23/17, 30/19 i 33/21), Vlada Kantona Sarajevo, na 22. sjednici održanoj 25.04.2024. godine, donijela je

ODLUKU

O USVAJANJU PRIJEDLOGA MINISTARSTVA ZA ODGOJ I OBRAZOVANJE KANTONA SARAJEVO I PRIHVATANJU IZVJEŠTAJA EKSPERTNE KOMISIJE ZA OSNIVANJE SREDNJOŠKOLSKOG MEDICINSKOG CENTRA "EUROPEAN MEDICAL COLLEGE" ("EVROPSKI MEDICINSKI KOLEDŽ")

I

Usvaja se prijedlog Ministarstva za odgoj i obrazovanje Kantona Sarajevo broj 11-04/02-34-799-16/24 od 04.04.2024. godine i prihvata Izvještaj Ekspertne komisije za razmatranje zahtjeva i Elaborata o opravdanosti osnivanja Srednjoškolskog medicinskog centra "European Medical College" ("Evropski medicinski koledž") od 03.04.2024. godine.

II

Utvrđuje se prijedlog Odluke o osnivanju "Srednjoškolskog medicinskog centra "European Medical College" ("Evropski medicinski koledž") u Sarajevu.

III

Prijedlog Odluke iz tačke II ove odluke dostavlja se Skupštini Kantona Sarajevo, na nadležno odlučivanje.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-25530-2/24
25. aprila 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 10. stav (3) Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj 55/23) i člana 3. i 4. stav (2) Odluke o kriterijima za raspodjelu sredstava iz Tekuće rezerve Budžeta Kantona Sarajevo